

四庫全書

集部

欽定四庫全書

唐詩品彙卷三十一

明 高棟 編

七言古詩七

羽翼

孟浩然

夜歸鹿門歌

山寺鳴鐘晝已昏  
漁梁渡頭爭渡喧  
人隨沙岸向江村

余亦乘舟歸鹿門鹿門月照開烟樹忽到龐公棲隱處  
巖扉松逕長寂寥唯有幽人自來去

送王七尉松滋

君不見巫山神女作行雲霏紅沓翠曉氛氲嬋娟流入  
襄王夢倏忽還隨零雨分空中飛去復飛來朝朝暮暮  
下陽臺愁君此去為仙尉便遂行雲去不回

高陽池送朱二

當昔襄陽全盛時山公常醉習家池池邊釣女日相隨

粧成照水競來窺紅波澹澹芙蓉發綠岸毵毵楊柳垂  
一朝物變人亦非四面荒涼人住稀意氣豪華何處在  
空餘草露濕人衣此地朝來餞行者翻向此中牧征  
馬征馬分飛漸日斜見此空為人所嗟殷勤為訪桃源  
客余亦歸來松子家

萬楚

小山歌

人說淮南有小山淮王昔日此登仙城中雞犬皆飛去

山上壇場今宛然世人貴身不貴壽共笑華陽洞天口不知  
金石變長年謾在人間戀攜手君能舉帆至淮南家住盱眙  
余先詣桐栢亂流平入海萊莢一曲拂成潭憶記來時魂悄  
悄想見仙山衆峰小今日長歌思不堪君行為報三春鳥

丁仙芝

餘杭醉歌贈吳山人

曉幙紅襟鶯春城白項烏只來梁上語不向府中趨城  
頭坎坎鼓聲曙滿庭新種櫻桃樹桃花昨夜撩亂開當

軒發色映樓臺十千兌得餘杭酒二月春城長命杯酒  
後留君待明月還將明月送君回

劉復

長相思

長相思在桂林蒼梧山遠瀟湘深秋堂零淚倚金瑟朱  
顏搖落隨光陰長宵嘹唳鴻命侶河漢蒼蒼隔牛女寧  
知一水不可渡況復萬山修且阻綵絲織綺文雙鴛昔  
時贈君君可憐何言一去瓶落井流塵歇滅金爐前

長歌行

淮南木落秋雲飛  
楚宮商歌今正悲  
青春白日不與我  
當壚舉酒勸君持  
出門馳驅四方事  
徒用辛勤不得意  
三山海底無見期  
百齡世間莫虛棄  
君不見金城帝業  
漢家有東制諸侯  
欲長久姦雄竊命  
風塵昏函谷重關  
不能守龍蛇出沒  
經兩朝胡虜憑陵  
大道銷河水東流  
宮闕盡五陵松栢  
自蕭蕭

儲光義

新豐主人

新豐主人新酒熟舊客還歸舊堂宿滿酌香舍北砌花  
盈尊色泛南軒竹雲散天高秋月明東家少女解秦箏  
醉來忘却巴陵道夢中疑似洛陽城

劉云跌  
岩殊態

登戲馬臺作

君不見宋公杖鉞誅燕后英雄踴躍爭趨走小會衣冠  
呂梁壑大徵甲卒礪礪口天門神武樹元勳九日茱萸  
饗六軍泛泛樓船遊極浦搖搖歌吹動浮雲居人滿目



市朝變霸業猶存齊楚甸泗水南流桐栢川沂山北走  
瑯琊縣滄海沈沈晨霧開彭城烈烈秋風來少年自言  
未得意日暮蕭條登古臺

薔薇

裊裊長數尋青青不作林一莖獨秀當庭心數枝分作  
滿庭陰春日遲遲欲將半庭影離離正堪玩枝上嬌鶯  
不畏人葉底飛蛾自相亂秦家女兒愛芳菲畫眉相伴  
采葳蕤高處紅鬚欲就手低邊綠刺已牽衣蒲萄架上

朝光滿楊柳園中暝鳥飛連袂踏歌從此去風吹香氣

逐人歸

劉云轉換流麗可歌可舞皆切題語

同張侍御燕北樓

今之太守古諸侯出入雙旌垂七旒朝覽干戈時聽訟  
暮延賓客復登樓西山漠漠崦嵫色北渚沈沈江漢流  
良宵清淨方高會繡服光輝聯皂蓋魚龍恍惚堦墀下  
雲霧杳冥牕戶外水靈慷慨行泣珠遊女飄飄思解珮  
蒼蒼低月半遙城落落疎星滿太清不忍開襟悲楚奏

願言吹笛退胡兵  
軒后青丘埋狹狷  
周王白羽掃攬槍  
期君武節朝龍闕  
余亦翱翔歸玉京

張謂

殷璠曰謂代北州老翁答又湖中對酒行在物  
情外但衆人未曾說耳亦何必歷遐遠探古迹  
然後始  
為冥搜

贈喬林

去年上策不見收  
今年寄食仍淹留  
羨君有酒能便醉  
羨君無錢能不憂  
如今五侯不待客  
羨君不入五侯宅

如今七貴方自尊羨君不過七貴門丈夫會應有知己

世上悠悠安足論

劉云可想其人

### 湖中對酒作

夜坐不厭湖上月晝行不厭湖上山

劉云便覺楚楚

眼前一樽

又常滿心中萬事如等閒主人有黍萬餘石濁醪數斗

應不惜即今相對不盡歡別後相思復何益茱萸灣頭

歸路賒願若且宿黃公家風光若此人不醉參差辜負

東園花

代北州老翁答

負薪老翁住北州北望鄉關生客愁自言老翁有三子  
兩人已向黃沙死如今小兒新長成明年聞道又征兵  
定知此別必零落不及相隨同死生盡將田宅借鄰伍  
且復伶俜去鄉土在生本求多子孫及有誰知更辛苦  
近傳天子尊武臣強兵直欲靜胡塵安邊自合有長策  
何必流離中國人

邵陵作

嘗聞虞帝苦憂人，祇為蒼生不為身。已道一朝辭北極，  
何須五月更南巡。昔時文武皆銷鑠，今日精靈長寂寞。  
斑竹年來笋自生，白蘋春盡花空落。遙望零陵見舊丘，  
蒼梧雲起至今愁。唯餘帝子千行淚，添作瀟湘萬里流。

王昌齡

城傍曲

秋風鳴桑條，草白狐兔驕。邯鄲飲來酒未消，城北原平  
制。手皂鵬射殺空營兩騰虎，迴身却月佩弓鞘。

鳥棲曲

白馬逐牛車黃昏入狹斜  
斜斜柳樹烏爭宿爭枝未得  
飛上屋東房少婦墻從軍每聽烏啼知夜分

行路難

雙絲作綆繫銀瓶百尺寒泉轆轤上懸絲一絕不可望  
似妾傾心在君掌人生意氣好還捐只重狂花不重賢  
宴罷調箏奏離鶴迴嬌轉盼泣君前君不見眼前事豈  
保須臾勿無異西山日下雨足稀側有浮雲無所寄但

願莫忘前者言剉骨黃塵亦無媿行路難勸君酒莫辭  
煩美酒千鍾猶可盡心中片恨何可論一聞漢主思故  
劍使妾長嗟萬古魂

瑩篴引

盧谿郡南夜泊舟夜聞兩岸羌戎謳其時月黑猿啾啾  
微雨霑衣令人愁有一遷客登高樓不言不寐彈瑩篴  
彈作薊門桑葉秋風沙颯颯青塚頭將軍鐵驄汗血流  
深入匈奴戰未休黃旗一點兵馬收亂殺胡人積如丘



瘡病驅來役邊州仍披漠北羔羊裘顏色饑枯掩面羞  
眼眶淚滴深兩眸還思本鄉食羴牛欲語不得指咽喉  
或有強壯能呻吟憂意說被他邊將讐五世屬藩漢主留  
碧毛氊障河曲遊橐池五萬部落稠勅賜飛鳳金兜鍪  
為君百戰如過籌靜掃陰山無鳥投家藏鐵券特承優  
黃金百觔不稱求九族分離作楚囚深谿寂寞絃苦幽  
草木悲感聲颼颼僕本東山為國憂明光殿前論九疇  
粗讀兵書盡冥搜為君掌上施權謀洞曉山川無與儔

紫宸詔發遠懷柔  
搖筆飛霜如奪鉤  
鬼神不得知其由  
憐愛蒼生比蚍蜉  
朔河屯兵須漸抽  
盡遣降來拜御溝  
便令海內休戈矛  
何用班超定遠侯  
史臣書之得已不

奉贈張荊州

祝融之峰紫雲銜  
翠如何其雪嶺巖  
色西有路緣石壁  
我欲從之卧窮畝  
魚有心兮脫網罟  
江無人兮鳴楓杉  
王君飛鳥仍未去  
蘇耽宅中意遙緘

張南容

靜女歌

靜女樂於靜動合古人則妙年工詩書弱歲勤組織端  
居愁若癡誰復理容色十五坐幽閨四鄰不相識天天  
鄰家子百花裝首飾日日淇上遊笑人不踰閼河水自  
濁濟自清仙臺蛾眉秦鏡明為照齊王門下醜何如漢  
帝掌中輕

畢耀

情人玉清歌

大苑英華作  
張南容詩

洛陽城中有一人名玉清可憐玉清如其名善踏斜柯  
能獨立嬋娟花艷無人及珠為裙玉為纓臨春風吹玉  
笙悠悠滿天星黃樂府作萬金閣上晚粧成雲和曲中為曼  
慢一作聲玉梯不得踏揺袂兩盈盈城頭之日復何情

賀蘭進明

行路難五首

殷璠云員外行路難五首益多雜興

君不見東流水一去無窮已君不見西郊雲日夕空氛  
氤羣鴈裴徊不能去一鴈悲鳴復失羣人生結交在終

始莫以升沈中路分

君不見雲中月暫盈還復缺君不見林下風聲遠意難  
窮親故平生或聚散歡娛未盡尊酒空歎息青青陵上  
栢歲寒能有幾人同

君不見芳樹枝春花落盡蜂不窺君不見梁上泥秋風  
始高燕不棲蕩子從軍事征戰蛾眉嬋娟守空閨獨宿  
自然堪下淚況復時聞烏夜啼

君不見門前柳榮耀幾時蕭索久君不見陌上花狂風

吹去落誰家鄰家思婦見之歎蓬首不梳心歷亂盛年  
夫婿長別離歲暮相逢色凋換

君不見巖下井百尺不及泉君不見山上苗數寸凌雲  
烟人生相命亦如此何苦太息自憂煎但願親友長含  
笑相逢不乏杖頭錢寒夜邀歡須秉燭豈得常思花柳  
年

崔國輔

對酒吟

行行日將夕荒村古塚無人跡  
蒙籠荆棘一鳥吟屢唱  
提壺沽酒喚古人

河岳英靈集作前身

不達酒不足遺恨精靈傳

此曲寄言世上諸少年平生且盡杯中醪

賈至

巴陵寄李二戶部張四禮部

江南芳草初冪冪愁殺江南獨愁客  
秦中楊柳也應春  
轉憶秦中相憶人  
萬里鶯花不相見  
登高一望淚沾巾

孟雲卿

行路難

君不見高山萬仞連蒼旻，天長地久成埃塵。  
君不見長松百尺多勁節，狂風暴雨終摧折。  
古今何世無聖賢，吾愛伯陽真乃天。  
金堂玉闕朝羣仙，拍手東海成桑田。  
海中之水慎勿枯，烏鳶啄蚌傷明珠。  
行路難，艱險莫踟蹰。

王季友

觀于舍人壁畫山水

野人宿在山家，少朝見此山。  
謂山曉半壁，仍棲嶺上雲。



開簾欲放湖中鳥，獨坐長松是阿誰。  
再三招手起來遲。  
予公大笑向余說，小弟丹青能爾為。  
殷璠云甚有清趣

宿東谿李十五山亭

上山下山入山谷，谿中落日留我宿。  
松石依依當主人，主人不在意亦足名。  
花出地兩重階，絕頂平天一小齋。  
本意由來是山水，何用相逢語舊懷。

代賀若令譽贈沈千運

相逢問姓名，亦存別時無。  
子今有孫山，上雙松長不改。

百家唯有三家村  
村南村西車馬道  
一宿通舟水浩浩  
澗中磊磊十里石  
河上淤泥種桑麥  
平坡塚墓皆我親  
滿田主人是舊客  
舉聲酸鼻問同年  
十人七人歸下泉  
分手如何更此地  
回頭不去淚潸然

酬李十六岐

鍊丹文武火未成  
賣藥販屨俱逃名  
出谷迷行洛陽道  
乘流醉卧滑臺城  
城下故人久離怨  
一歡適我兩家願  
朝飲杖懸沽酒錢  
暮餐囊有松花飯  
于何車馬日憧憧

李膺門館爭登龍千賓揖對若流水五經發難如扣鐘  
下筆新詩行滿壁立談古人坐在席問我草堂有卧雲  
知我山儲無儋石自耕自刈食為天如鹿如麋飲野泉  
亦知世上公卿貴且養丘中草木年

常建

張公子行

日出乘釣舟嫋嫋垂釣竿涉淇傍荷花驄馬閒金鞍使  
君白雲中腰間垂轆轤出門事嫖姚為君西擊胡胡兵

漢騎相馳逐轉戰孤軍海西北  
百尺旌竿沈黑雲邊笳

落日不堪聞

劉云從聞人幽事忽  
寫至敗軍亡將險絕

### 古意

井底玉冰洞地明琥珀轆轤青  
絲索仙人騎鳳披綵霞  
挽上銀瓶照天閣黃金作身雙飛龍  
口銜明月吐芙蓉  
一時度海望不見曉上青樓十二重

### 古興

轆轤井上雙梧桐飛鳥銜花日將夕  
深閨女兒莫愁年

玉指冷冷怨金碧石榴裙裾蛺蝶飛見人不語顰蛾眉  
青絲素絲紅綠絲織成錦衾當為誰

元結

歸來子云結性耿介有憂道閑俗之意天寶之  
亂或仕或隱自謂與世聲牙故其見於文字者  
亦沖澹而隱約譬古鐘磬不諧於里耳而  
詞義微眇詭之脩然若有塵外之趣云

引極

天曠漭兮香泐茫氣浩浩兮色蒼蒼上何有兮人不測  
積清寥兮成元極成元極兮靈且異思一見兮藐難致

思不從兮空自傷心慙勞兮意惶懼思假翼兮鸞鳳乘  
長風兮上班揖元極兮本深實餐至和兮永終日

招太靈

并序

商餘山有太靈古祠傳云蔡龍氏祠大帝所立祠  
在少餘西乳之下邑人修之以祈田余因為招詞  
閔之文以演興辭曰

招太靈兮山之巔山屹岿兮水淪漣祠之禴

洛代切

兮盼

何年未修修兮草鮮鮮嗟魑魅兮淫厲自古昔兮崇祭

禧太靈兮端清余願致兮精誠久惛惛

改厯切

兮恍恍

龍處

切招搶擣

郎丁切

兮呼風風之聲兮起颼颼吹玄雲兮散

而浮望太靈兮懽而安澹油容兮都清閒

宿洄溪翁宅

長松萬株繞茆舍怪石寒泉近簷下老翁八十猶能行  
將領兒孫行時稼吾羨老翁居處幽吾愛老翁無所求  
時俗是非何足道得似老翁吾即休

宿無為觀

九疑山深幾千里峰谷崎嶇人不到山中舊有仙姥家  
十里飛泉繞丹竈如今道士三四人茹芝鍊玉學輕身  
霓裳羽蓋傍林壑飄飄似欲來雲鶴

薛業

洪州客舍寄柳博士芳

去年燕巢主人屋今年花發路傍枝年年為客不到舍  
舊國存亡那得知胡塵一起亂天下何處春風無別離

張志和



漁父歌

西塞山前白鷺飛  
桃花流水鱖魚肥  
青箬笠綠簑衣  
斜風細雨不須歸

獨孤及

和贈遠

憶得去年春風至  
中庭桃李映瑣牕  
美人挾瑟對芳樹  
玉顏亭亭與花雙  
今年新花如舊時  
去年美人不在茲  
借問離居恨深淺  
祇應獨有庭花知

同岑郎中韋屯田員外花樹歌

東風動地吹花發渭城桃李千樹雪芳菲可愛不可留  
武陵歸去心欲絕金華省郎惜佳辰祇將花萼照青春  
君家自是成蹊處況有庭花作主人

張潮

襄陽行

玉盤轉明珠君心無定準昨見襄陽客剩說襄陽好無  
盡襄漢水岷山垂漢水東流風北吹只言一世長嬌寵

那悟今朝見別離君渡清羌渚知人獨不語妾見木樓  
林憶君相思深莫作雲間鴻離聲顧儔侶尚如匣中劍  
分形會同處是君婦識君情怨君恨君為此行下牀一  
宿不可保況乃萬里襄陽城襄陽傳近大堤北君到襄  
陽莫回惑大堤諸女兒憐錢不憐德

鮑防

雜感

漢家海內承平久萬國我王皆稽首天馬嘗銜苜蓿花

胡人歲獻蒲萄酒五月荔枝初破顏  
朝辭象郡夕函關  
鴈飛不度桂陽嶺馬走先過林邑山  
甘泉御果垂仙閣  
日暮無風香自落遠物皆重近皆輕  
雞雖有德不如鶴

唐詩品彙卷三十一

欽定四庫全書

唐詩品彙卷三十二

明 高棅 編

七言古詩八

接武<sup>上</sup>

劉長卿

王昭君歌

自矜嬌艷色不顧丹青人誰知粉繪能相負却使容華

翻悞身上馬辭君嫁驕虜玉顏對人愁不語北風鴈急  
浮雲秋萬里獨見黃河流纖腰不復漢宮寵雙蛾長向  
胡天愁琵琶絃中苦調多蕭蕭羌笛聲相和誰憐一曲  
傳樂府能使千秋傷綺羅

銅雀臺

嬌愛更何日高臺空數層含啼映雙袖不忍看西陵漳  
水東流無復來百花輦路為蒼苔青樓月夜長寂寞碧  
雲日暮空裴徊君不見鄴中萬事非昔時古人不在今

人悲春風不逐君王去  
草色年年舊宮路  
宮中歌舞已浮雲  
空指行人往來處

新安送陸澧歸江陰

新安路  
人來去早潮復晚潮  
明日知何處  
潮水無情亦解歸  
自憐長在新安住

長沙贈衡嶽祝融峯般若禪師

般若公  
般若公負鉢何時下  
祝融歸路却看飛鳥外  
禪房空掩白雲中  
桂花寥寥閒自落  
流水無心西復東



明月灣尋賀九不遇

楚水日夜綠  
傍江春草滋  
青青遙滿目  
萬里傷心歸  
故人川上復  
何之  
明月灣南空  
所思故人不在  
明月在誰見  
孤舟來去時

送友人東歸

對酒灞亭暮  
相看愁自深  
河邊草已綠  
此別難為心  
關路迢迢足  
馬歸垂楊寂  
寂數鶯飛  
憐君獻策十  
餘載  
今去猶為一  
布衣

入桂渚次砂牛石穴

扁舟傍歸路日暮瀟湘深  
湘水清見底楚雲淡無心  
片帆落桂渚獨夜依楓林  
楓林月出猿聲苦桂渚天寒  
桂花吐此中無處不堪愁  
江客相看淚如雨

贈湘南漁父

聞君何所適漠漠逢烟水  
獨與不繫舟往來楚雲裏  
釣魚非一歲終日只如此  
日落江清桂檝遲纖鱗百尺深  
可窺沈鉤垂餌不在得  
白首滄浪空自知

送姨子弟往南郊

一展慰久濶寸心仍未伸別時兩童稚及此俱成人那  
堪適會面遽已悲分手客路向楚雲河橋對衰柳送君  
足馬別河橋汝南山郭寒蕭條今我單車復西上郎去  
灞陵轉惆悵何處共傷離別心明月亭亭兩相望

客舍喜鄭三見寄

客舍逢君未授衣閉門愁見桃花飛遙想故園今已爾  
家人應念行人歸寂寞垂楊映深曲長安日暮靈臺宿

窮巷無人鳥雀閒空庭新雨莓苔綠此中分與故友疎  
何年仍回長者車十年未稱平生意好得辛勤謾讀書

嚴陵釣臺送李康成赴江東使

潺湲子陵瀨髣髴如在目七里人已非千年水空綠新  
安江上孤帆遠應逐楓林千萬轉古臺落日共蕭條寒  
水無波更清淺臺上漁竿不復持却令猿鳥向人悲灘  
聲山翠至今在遲爾行舟晚泊時

觀李湊所畫美人障子

愛爾含天姿丹青有殊智無間已得象象外更生意西  
子不可見千載無重還空令浣紗態猶在含毫間一笑  
豈易得雙蛾如有情牕風不舉袖但覺羅衣輕華堂翠  
幕春風來內閣金屏曙色開此中一見亂人目只疑行  
到雲陽臺

送賈三北遊

賈生未達猶窘迫身馳足馬邯鄲陌片雲郊外遙送人  
斗酒城邊莫留客顧予他日仰時髦不堪此別相思勞

雨色新添漳水綠夕陽遠照薊門高  
把袂相看衣共緇窮愁只是惜良時  
亦知到處逢下榻莫滯秋風西上期

送郭六侍御之武陵郡

常愛武陵郡美君將遠尋空憐世界迫孤負桃源心  
洛陽遙想桃源隔野水閒流春自碧花下常迷楚客船  
洞中時見秦人宅落日相看斗酒前送君南望但依然  
河梁馬首隨春草江路猿聲愁暮天丈人別乘佐分憂  
才子趨庭兼勝遊澧浦荊州行可見知君清興滿滄洲

齊一和尚影堂

一公住世忘世紛  
暫來復去誰能分身寄虛空如過客  
心將生滅似浮雲  
蕭散浮雲往不還淒涼遺教沒仍傳  
舊地愁看雙樹在空堂只是一燈懸一燈長照恒河沙  
雙樹猶落諸天花  
天花寂寂香深殿苔蘚蒼蒼閉虛院  
昔余精念訪禪扉  
常接微言清道機今成寂寞無所得  
惟共門人淚滿衣

聽笛歌留別鄭協律

舊遊憐我長沙謫載酒沙頭送遷客天涯望月自沾衣  
江上何人復吹笛橫笛能令孤客愁綠波淡淡如不流  
商聲寥亮羽聲苦江天寂歷江楓秋靜聽關山聞一叫  
三湘月色悲猿嘯又吹楊柳激繁音千里春色傷人心  
隨風飄向何處落唯見曲盡平湖深明發與君離別後  
馬上一聲堪白首

望龍山懷道士許法稜

心惆悵望龍山雲之際鳥獨還懸崖絕壁幾千丈綠蘿



嫋嫋不可攀  
龍山高誰能踐  
靈原中蒼翠晚  
嵐烟瀑水如向人  
終日迢迢空在眼  
中有一人披霓裳  
誦經山頂餐瓊漿  
空林閒坐獨焚香  
真官列侍儼成行  
朝入青霄禮玉堂  
夜掃白雲眠石牀  
桃源洞裏居人滿  
桂樹山中住日長  
龍山高遙相望

戲贈于越尼子歌

鄱陽女子年十五  
家本秦人今在楚  
厭向春江空浣紗  
龍宮落髮披袈裟  
五年持戒長一食  
至今猶自顏如花

亭亭獨立青蓮下  
忍草禪枝繞精舍  
自用黃金買地居  
能嫌碧玉隨人嫁  
北客相逢疑姓秦  
鈿華拋却仍青春  
一花一竹如有意  
不語不笑能留人  
黃鸝欲棲白日暮  
天香未盡經行處  
却對香爐間誦經  
春泉漱玉寒泠泠  
雲房寂寂夜鐘發  
吳音清切令人聽  
人聽吳音歌一曲  
杳然如在諸天宿  
誰堪世事又相牽  
惆悵回船江水綠  
時平後送范倫歸安州

昨聞戰罷圖麟閣  
破虜收兵卷戎幙  
滄海初看漢月明

紫微已見胡星落憶昨扁舟此南渡荆棘烟塵滿歸路  
與君攜手姑蘇臺望鄉一日登幾回白雲飛鳥去寂寞  
吳山楚岫空崔嵬事往時平還舊丘青青春草近家愁  
洛陽舉目今誰在潁水無情應自流吳苑西人去欲稀  
留連一日空知非江潭歲盡愁不盡鴻鴈春歸身未歸  
萬里遙縣帝鄉憶五年空帶風塵色却到長安逢故人  
不道姓名應不識

疲兵篇

驕虜乘秋下薊門  
陰山日夕烟塵昏  
三軍疲馬力已盡  
百戰殘兵功未論  
陣雲決滸屯塞北  
羽書紛紛來不息  
孤城望處增斷腸  
折劍看時淚沾臆  
元戎日夕但歌舞  
不念關山久辛苦  
自矜倚劍氣凌雲  
却笑聞笳淚如雨  
萬里飄飄空此身  
十年征戰老胡塵  
赤心報國無片賞  
白首還家有幾人  
朔風蕭蕭動秋草  
旗旌獵獵榆關道  
漢月何曾照客心  
胡笳只解催人老  
軍前仍欲破重圍  
閨裏猶應愁未歸  
小婦十年啼夜織  
行人九日憶寒衣

飲馬滹河晚更清行吹羌笛遠歸營只恨漢家多苦戰  
徒令遺鏃滿長城

錢起

行路難

君不見明星映空月太陽朝昇光盡歇君不見凋零委  
路蓬長風飄舉入雲中由來人事何常定且莫驕奢笑  
賤窮

效古秋夜長

秋漢飛玉霜北風掃荷香含情紛織孤燈盡拭淚相思  
寒漏長簷前碧雲淨如水月弔棲鳥啼鴈起誰家少婦  
事鴛機錦幙雲屏深掩扉白玉牕中聞落葉應憐寒女  
獨無衣

盧龍塞行送韋掌記

雨雪紛紛黑山外行人共指盧龍塞萬里飛沙咽鼓鼙  
三軍殺氣凝旌旆陳琳書記本翩翩料敵張兵奪酒泉  
聖主好文兼好武封侯莫比漢皇年

送馬明府赴江陵

陶令南行心自永  
江天極目澄秋景  
萬室遙知犬不鳴  
雙鳬下處人皆靜  
清風高興得湖山  
門柳蕭條雙翟閒  
黃花滿把應相憶  
落日登樓北望還

送崔十三東遊

千里有同心十年一會面  
當杯緩箏柱倏忽催離燕  
丹鳳城頭噪晚鴉  
行人馬首夕陽斜  
灞上春風留別袂  
關東新月宿誰家  
宮柳依依兩鄉色  
誰能此別不相憶

送崔校書從軍

鴈門太守能愛賢  
麟閣書生亦投筆  
寧惟玉劍報知己  
更有龍韜佐師律  
別馬連嘶出御溝  
家人幾夜望刀頭  
燕南春草傷心色  
薊北黃雲滿眼愁  
聞道輕生能擊虜  
何嗟少壯不封侯

賦得青城山歌送楊杜二郎中赴蜀軍

蜀山西南千萬重  
仙經最說青城峰  
青城嶽岑倚空碧  
遠壓峨眉吞劍壁  
錦屏雲起易成霞  
玉洞花明不知夕



星臺二妙逐王師  
阮瑤軍書王粲詩  
日落援聲連玉笛  
晴來山翠傍旌旗  
綠蘿春月營門近  
知君對酒遙相思

送張將軍西征

長安少年唯好武  
金殿承恩爭破虜  
沙場烽火隔天山  
鐵騎西征幾歲還  
戰處黑雲霾瀚海  
愁中明月度陽關  
玉笛聲悲離酌晚  
金方路極行人遠  
計日霜戈盡敵歸  
回首戎城空落暉  
始笑子卿心計失  
徒看海上節旄稀

送鄔三落第還鄉

郢客文章絕世稀  
常嗟時命與心違  
十年失路誰知己  
千里思親獨遠歸  
雲帆春水將何適  
自愛東南暮山碧  
關中新月對離樽  
江上殘花待歸客  
名宦無媒自古遲  
窮途此別不堪悲  
荷衣垂釣且安命  
金馬招賢會有時

畫鶴篇

省中作

點素凝姿任畫工  
霜毛玉羽照簾櫳  
借問飛鳴華表上  
何如粉繒綵屏中  
文昌宮近芙蓉闕  
蘭室氤氳香烟結  
鑪氣朝成緱嶺雲  
銀燈夜作華亭月  
日暖花明梁燕歸

應驚片雪在仙闌主人顧盼千金重誰肯徘徊五里飛

送畢侍御謫居

崇蘭香死玉貞折志士吞聲甘循節忠蓋不為明主知  
悲來莫向時人說滄浪之水見心清楚客辭天淚滿纓  
百鳥喧喧噪一鷗上林高枝亦難托寧嗟人世棄虞翻  
且喜江山得康樂自憐黃綬老嬰身妻子朝來勸隱淪  
桃花洞裏舉家去此別相思復幾春

送傅管記赴蜀軍

終童之死誰繼出燕頤儒生今俊逸主將早知鸚鵡賦  
飛書許載蛟龍筆峨眉玉壘指霞標鳥沒天低幕府遙  
巴山雨色藏征旆漢水猿聲咽短簫賜璧腰金應可料  
才畧縱橫年且妙無人不重樂毅賢何敵能當魯連嘯  
日暮黃雲千里昏壯心輕別不銷魂勸君用却龍泉劍  
莫負平生國士恩

送褚大落第東歸

離琴彈苦調美人慘向隅頃來荷策干明主還復扁舟

歸五湖漢家側席明啟久宜意遺賢在林藪玉堂金馬  
隔青雲墨客儒生皆白首昨夢芳洲採白蘋歸期且喜  
故園春稚子只思陶令至丈君不厭馬卿貧剡中風月  
久相憶池上舊遊應再得酒熟寧孤芳杜春詩成不枉  
晴山色念此那能不羨歸長楊諫獵事皆違他日東流  
一乘興知君為我掃荆扉

韓翃

送客還江東

還家不落春風後數日應沽越人酒池畔花深鬪鴨閑  
橋邊雨洗藏鴉柳遙憐內舍著新衣復向鄰家醉落暉  
把手閒歌香橘下空山一望鷓鴣飛

送客之江寧

春流送客不應賒南人徐州見柳花朱雀橋邊看淮水  
烏衣巷裏問王家千閭萬井無多事闢戶開門向山翠  
楚雲朝下石頭城江燕雙飛瓦棺寺吳士風流甚可親  
相逢嘉賞日應新從來此地夸羊酪自有萼羹味可人

和高平朱參軍思歸作

髯參軍髯參軍身為北州吏心寄東山雲坐見萋萋芳草綠遥思往日晴江曲刺船頻向剡中回捧被曾過越人宿花裏鶯啼白日高春樓把酒送車螯狂歌好愛陶彭澤佳句唯稱謝法曹平生樂事多如此忍為浮名隔千里一鴈南飛斷客心思歸可待秋風起

贈別王侍御赴上都

翩翩馬上郎執簡佩銀章西向洛陽歸鄠杜迴頭結念

蓮花府朝辭芳草萬歲街暮宿春山一泉塢青青樹色  
傍行衣乳燕流鶯相間飛遠過三峰臨入水幽尋佳賞  
偏如此殘花片片細柳風落日疎鐘小槐雨相思掩泣  
復何如公子門前人漸疎幸有心期當小暑葛衣紗帽  
望迴車

題玉山觀禪師蘭若歌

玉山宴坐移年月錫杖承恩詣丹闕先朝親與會龍華  
紫禁鳴鐘白日斜宮女焚香把經卷天人就席禮袈裟



禪林久卧虎谿水蘭若初開鳳城裏不出囂塵見遠公  
道成何必青蓮宮朝持藥鉢千家近暮倚繩牀一室空  
掖垣揮翰君稱美遠客陪遊問真理薄宦深知誤此心  
迴心願學雷居士

寄哥舒僕射

萬里長城家一生唯報國腰垂紫文綬手控黃金勒高  
視黑稍翁遙吞白騎賊先麾牙門將轉關黃河北帳下  
親兵皆少年錦衣承日繡行纏轆轤寶劍初出鞘宛轉

角弓新上弦步人抽箭大如笛前把兩矛後雙戟左盤  
右射紅塵中鶻入鴉羣有誰敵殺將破軍白日餘迴旃  
舞祁北風初羣公植鼻好磨墨走馬為君飛羽書

送中兄典邵州

官騎連西向楚雲朱軒出餞晝紛紛百城兼領安南國  
雙筆遙揮王左君一路諸侯爭館穀洪池高會荆臺曲  
玉顏送酒銅鞮歌金管留人石頭宿北鴈初回江燕飛  
南湖春暖著春衣湘君祠對空山掩漁父焚香日暮歸

百事無留到官後重門寂寂垂高柳零陵石缺過香溪  
洞口人來飲醇酒登樓暮結邵陵情萬里蒼波烟靄生  
他日新詩應見報還如宣遠在安城

送萬臣

漢相見王陵揚州事張禹雲帆木蘭曳水國蓮花府百  
丈清江十月天寒城鼓角曉鐘前金爐促膝諸曹吏玉  
管繁聲美少年有時過向長干地遠對湖光近山翠好  
逢南苑看人歸也向西池留客醉疎柳垂烟橘帶霜朝

遊石渚莫橫塘紅箋色奪風流座白紵詞傾翰墨場夫  
子前年入朝後高名籍籍時賢口共憐詩興轉清新遠  
繼家聲在此身屈指待為青鑠客回頭莫羨白亭人

別汜水陳縣尉

未央宮殿金開鑰詔引賢良卷珠箔花間賜食近丹墀  
烟裏揮毫對青閣萬年枝影轉斜光三道先成君激昂  
谷永直言身不顧郗詵高地轉名香綠槐陰陰出關道  
上有蟬聲下秋草奴子平頭駿馬肥少年白晢登王畿

五侯客舍偏宿留一縣人家爭看歸南向千峰北臨水  
佳期賞地應窮此賦詩或送鄭行人舉酒常陪魏公子  
自憐寂寞會君稀猶著前時博士衣我欲低眉問知己  
若將無用廢東歸

唐詩品彙卷三十二

欽定四庫全書

唐詩品彙卷三十三

明 高棟 編

七言古詩九

接武

下

李嘉祐

雜興

花間昔日黃鸝轉  
妾向青樓已生怨  
花落黃鸝不復來

妾老君心亦應變君心比妾心妾意舊來深一別十年  
無尺素歸時莫贈路傍金

江上曲

江心澹澹芙蓉花江口蛾眉獨浣紗可憐應是陽臺女  
坐對鶯鶯嬌不語掩面羞看北地人回身忽作空山雨  
蒼梧秋色不堪論千歲依依帝子魂君看峰上斑斑竹  
盡是湘妃泣淚痕

古興

十五小家女雙鬟人不如蛾眉暫一見可值千金餘自  
從得向蓬萊裏出入金輿乘玉趾梧桐樹上春鴉鳴曉  
伴君王猶未起莫道君恩長不休婕妤團扇苦悲秋君  
看魏帝鄴都裏唯有銅臺漳水流

傷吳中

館娃宮中春已歸闔閭城頭鶯已飛復見花開人又老  
橫塘寂寂柳依依憶昔吳王在宮闕館娃賣眼看花發  
舞袖朝朝陌上春歌聲夜怨江邊月古來人事亦猶今



莫厭清觴與綠琴，獨向西山聊一笑。  
白雲芳草自知心，韋應物

橫塘行

妾家住橫塘，夫婿家郎玉盤。  
的歷雙白魚，湘簾玲瓏透象牀。  
象牀可寢，魚可食，不知郎意何南北。  
岸上種蓮，宜得生池中。種蓮宜得成，  
丈夫一去，花落樹妾獨長夜。

心未平

劉云却是怨意

雜言送黎六郎

冰壺見底未為清少年如玉有詩名聞話高峰多禪寺  
不嫌黃綬向陽城朱門嚴訓朝辭去騎出東郊滿飛絮  
河南庭下拜府君陽城歸路山氛氲山氛氲長不見釣  
臺水綠荷已生少姨廟寒花始徧縣閒吏傲與塵隔移  
竹疏泉常岸磧莫言去作折腰官豈似長安折腰客

送褚校書歸舊山歌

握珠不返泉匣玉不歸山明時重士亦如此忽怪諸生  
何得還方稱羽獵賦未拜蘭臺職漢篋亡書已暗傳嵩

丘遺簡還能識  
朝朝待詔青瑣闌  
中有萬年之樹蓬萊  
池世人仰望棲此地  
生獨裴徊意何為  
故山可往薇可採  
一自人間星歲改  
藏書壁上苔半侵  
洗藥泉中月還  
在春風飲餞灞陵原  
冀厭歸來朝市喧  
當年不見東方朔  
避世從容金馬門

聽鶯曲

東方欲曙花冥冥

劉云望而知  
為本色人也

啼鶯相喚亦可聽  
乍去

乍來時近遠纔聞  
南陌又東城  
忽往上林翻下苑  
綿綿

蠻蠻如有情欲轉不轉意自嬌  
羌兒弄笛曲未調前聲  
後聲不相及秦女學箏指猶澁  
須臾風暖朝日暎流音  
變作百鳥喧誰家懶婦驚殘夢  
何處愁人憶故園伯勞  
飛過聲局促戴勝下時桑田綠  
不及流鶯日日啼花間  
能使萬家春意闌有時斷續聽  
不了飛去花枝猶裊裊  
還棲碧樹鎖千門春漏方殘一  
聲曉

皇甫冉

澧水送鄭豐鄆縣讀書

麥秋中夏涼風起送君西郊及澧水孤烟遠樹動離心  
隔岸江流若千里早年江海謝浮名此去雲山愜爾情  
上古金經皆在口秦人如見濟南生

雜言月洲歌送趙洵還襄陽

漢之廣矣中有洲洲如月兮水還流流聒聒兮湍與瀨  
草青青兮春復秋苦竹林香楓樹樵子農師幾家住萬  
山飛雨一川來已客歸船傍洲去歸人不可遲芳杜滿  
洲時無限風烟皆自悲莫辭貧賤阻心期家住洲頭定

近遠朝泛輕橈暮當返不能隨爾卧芳洲自念天機一  
何淺

江草歌送盧判官

江臯兮春早江上兮芳草雜薜蘿兮杜衡作叢秀兮復  
羅生被遙隰兮經長衍雨中深兮烟中淺目眇眇兮增  
愁步遲遲兮堪寥漜之浦兮湘之濱思夫君兮送美人  
吳州曲兮楚鄉路遠孤城兮依獨戍新月能分袞露時  
夕陽照見連天處問君行邁終何之淹泊汧汭風日遲

處處汀洲有芳草王孫詎肯念歸期

郎士元

塞下曲

寶刀塞下兒輕身百戰曾百勝壯心竟未嫖姚知白草  
山頭日初沒黃沙戍下悲笳發蕭條靜夜邊風吹獨倚  
營門望秋月

郢州西樓吟

連山盡處水縈迴山上城門臨水開朱欄直下一百丈

日暖遊鱗自相向昔人愛險閉層城今人愛閒江復清

劉云此等語  
有興有怨

沙洲楓岸無來客草綠花紅山鳥鳴

朱放

早發龍且館舟中寄東海李司倉鄭司戶

沙禽相呼曙色分漁浦鳴榔十里聞正當秋風度楚水  
面值遠道傷離羣津頭却望後湖岸別處已隔東山雲  
停艫目送北歸翼惜無瑤華持寄若

司空曙



迎神曲

吉日兮臨水沐青蘭兮白芷假山鬼兮請東皇託靈均  
兮邀帝子吹參差兮正苦舞婆娑兮未已鸞旌圓蓋望  
欲來山雨霏霏江浪起神既降兮我獨知因成再拜為  
陳辭

送神曲

神之去回風嫋嫋雲容與桂樽瑤席不復陳蒼山綠水  
暮愁人

殘鶯百轉歌

殘鶯一何怨百轉相尋續始辯下欲高稍分長復促綿  
蠻巧狀語機節終如曲野客賞應遲幽僧聞詎足禪齋  
深樹夏陰清零落空餘三兩聲金谷箏中傳不似山陽  
笛裏寫難成憶昨亂啼無遠近晴宮曉色偏相引送暖  
初隨柳色來辭芳暗逐花枝盡歌殘鶯歌殘鶯悠然萬  
感生謝朓羈懷方一聽何郎閒詠本多情乃知衆鳥非  
儔比莫噪晨鳴倦人耳共愛寄音那可親年年出谷待

新春此時斷絕為君惜昨日蛭蟬催髮白

盧綸

宴席賦得姚美人搗箏歌

出簾仍有鈿箏隨見罷翻令恨識遲微收皓腕纏紅袖  
深過朱絃低翠眉忽然高張應疏節玉指迴旋若飛雪  
鳳簫韶管寂不喧繡幙紗牕儼秋月有時輕弄和郎歌  
慢處聲遲情更多已愁紅臉能佯醉又恐朱門嫌再過  
昭陽伴裏最聰明出到人間纔長成遙知禁曲難翻處

猶自君王說小名

慈恩寺石磬歌

靈山石磬生海西海濤平處與山齊  
長眉老僧同佛力  
呪使鮫人往來得珠穴沈成綠浪痕  
天衣拂盡蒼苔色  
星漢裴徊天有風  
禪翁靜扣月明中  
羣仙下雲龍出水  
鸞鶴交飛半空裏  
城精木魅不可聽  
落葉秋砧一時起  
華宮杳杳響泠泠  
無數沙門昏夢醒  
古廊燈下見行道  
疎木池邊聞誦經  
徒壯洪鐘閤高閣  
萬金費盡工雕鑿

豈如全質掛青松數葉殘雲一片峰  
吾師班之壽中國  
願同劫石無終極

送錢從叔辭豐州幕歸嵩陽舊居

白鬚宗孫侍坐時願持壽酒前致辭  
鄙辭何所擬請自  
邊城始邊城貴者李將軍戰鼓遙疑天上聞  
屯田布錦  
周千里牧馬攢花溢萬羣白雲本是高松伴  
來繞青營  
復飛散三聲畫角咽不通萬里蓬根一時斷  
豐州聞說  
似涼州沙塞晴門部落稠行客已去依獨戍  
主人猶自

在高樓夢親旌旆何由見每值清風一回面洞裏先生  
那怪遲入天無路自無期砂泉丹井非同味桂樹榆林  
不並枝吾翁致身殊得計地仙亦是三千歲莫著戎衣  
期上清東方曼倩逢人輕

冬日登城樓因贈程騰

生涯何事多羈束賴此登臨暢心目郭南郭北無數山  
萬井逶迤流水間彈琴對酒不知暮岸幘題詩身自閒  
風聲肅肅鴈飛絕雲色茫茫欲成雪遙思海客天外歸

坐想征人雨頭別世情多是風塵隔泣盡無因對籌策  
誰知白首牕下人不接朱門坐中客賤亦不足歎貴亦  
不足陳長卿未遇楊朱泣蔡澤無媒原憲貧如今萬乘  
方用武國命天威借貔虎窮達皆為身外名公侯可廢  
刀頭取君不見漢家邊將在邊庭白羽三千出井陘當  
風看獵擁珠翠宜在終年窮一經

送張郎中還蜀歌

秦家御史漢家郎親專兩印征殊方功成走馬朝天子

伏檻論兵若流水曉離仙署趨紫薇夜接高儒讀青史  
瀘南五將望君還願以天書示百蠻曲棧重江初過雨  
前旌後騎不同山迎車拜舞多耆老舊卒新營遍青草  
塞口雲生火候遲烟中鶴唳君行早黃華川下水交橫  
遠映孤霞蜀國晴筇竹笋長椒瘴起荔枝花發杜鵑鳴  
回首岷峨半天黑傳觴接膝何由得空令豪士仰威名  
無復貧女恃顏色垂楊不動雨紛紛錦帳胡瓶爭送君  
須臾醉起簫笳發空見雙旌入塞雲



李端

襄陽曲

襄陽堤路長草碧楊柳黃誰家女兒臨夜粧紅羅帳裏  
有燈花雀釵翠羽動明璫欲出不出脂粉香同居女伴  
正衣裳中庭寒月白如霜賈生十八稱才子空得門前  
一斷腸

胡騰兒

胡騰身是涼州兒肌膚如玉鼻如錐桐布輕衫前後卷

葡萄長帶一邊垂  
帳前跪作本音語  
拾襟攪袖為君舞  
安西舊牧收淚看  
洛下詞人抄曲興  
揚眉動目踏花氍  
紅汗交流珠帽偏  
醉却東傾又西倒  
雙靴柔弱滿燈前  
環行急蹴皆應節  
反手叉腰如却月  
絲桐忽奏一曲終  
嗚嗚畫角城頭發  
胡騰兒故鄉路斷  
知不知

贈康洽

黃鬚康兄酒泉客  
平生出入王侯宅  
今朝醉卧有明朝  
忽憶故鄉頭已白  
流年恍惚瞻西日  
陳事蒼茫指南陌

聲名恒壓鮑參軍班位不過楊執戟邇來七十遂無機  
空是咸陽一布衣後輩輕肥賤衰朽五侯門館許因依  
自言萬物有移改始信桑田變成海同時獻賦人皆盡  
共壁題詩君獨在步出東城風景和青山滿眼少年多  
漢家尚壯今則老髮短心長知奈何華堂舉杯白日晚  
龍鍾相見誰能免君今已反我正來朱顏宜笑能幾回  
借問朦朧花樹下誰家畚鍤築高臺

戎昱

客堂秋夕

隔牕螢影滅復流北風微雨虛堂秋蟲聲竟夜引鄉淚  
蟋蟀何知人自愁四時不得一日樂以此方悲客遊悲  
寂寂江城無所聞梧桐葉上偏蕭索

贈別張駙馬

上元年中長安陌見君朝下欲歸宅飛龍騎馬三十匹  
玉勒雕鞍照初日數里衣香遙撲人長衢雨歇無纖塵  
從奴斜抱勅賜錦雙雙蹀躞出金麒麟天子愛壻皇后弟

獨步明時負權勢一身扈蹕承殊澤甲第朱門聳高戟  
鳳凰樓上伴吹簫鸚鵡杯中醉留客泰去否來何足論  
宮車晏駕人事翻一朝負譴辭丹闕五年待罪湘江源  
冠冕淒涼幾遷改眼見桑田變成海華堂金屋別賜人  
細眼黃頭總何在清宮相見寸心悲懶欲今時問昔時  
看君風骨殊未歇不用愁來雙淚垂

聽杜山人彈胡琴

綠琴胡笳誰妙彈山人杜陵董庭蘭董君少與山人友

山人別來今已久當時海內求知音囑付胡琴在君手  
杜陵工琴四十年琴聲在音不在絃座中為我奏此曲  
滿堂蕭瑟如窮邊第一第二拍淚盡蛾眉沒蕃客更聞  
出塞入塞聲穹廬氊帳難為情胡天雨雪四時下五月  
不曾芳草生須臾促軫變宮徵一聲悲兮一聲喜南看  
漢月雙眼明却顧胡兒寸心死回紇數年收洛陽洛陽  
士女皆驅將豈無父母與兄弟聞此哀情皆斷腸杜陵  
先生証此道沈家祝家皆絕倒如今世上風雅衰若箇

深知此聲好世上愛箏不愛琴則明此調誰知音今朝  
促軫為君奏不向俗流傳此心

李益

效古促促曲

為河上  
思婦作

促促何促促黃河九回曲嫁與棹船郎空牀將影宿不  
道君心不如石那令妾貌長如玉

野田行

日沒出古城野田何茫茫寒狐嘯青塚鬼火燒白楊昔

人未為泉下客行到此中曾斷腸

古別離

雙劍欲別風淒然雌沈水底雄上天江回漢轉兩不見  
雲交雨合知何年古來萬事皆由命何用臨歧苦涕漣

輕薄篇

豪不必馳千騎雄不在垂雙鞬天生俊氣自相逐出與  
鷗鷺同飛翻朝行九衢不得意下鞭走馬城西原忽聞  
燕鴈一聲去回鞍挾彈平陵園歸來青樓曲未卒美人



玉色當金樽淮陰少年不相下酒酣半笑倚市門安知  
我有不平色白日欲暝紅塵昏死生容易如反掌得意  
失意由一言少年但飲莫相問此中報讐亦報恩

登夏州樓城觀征人賦得六州胡兒歌

六州胡兒六蕃語十歲騎羊逐沙鼠沙頭牧馬孤鴈飛  
漢軍遊騎貂錦衣雲中征戍三千里今日征行何歲歸  
無定河邊數株柳共送行人一杯酒胡兒起作和蕃歌  
齊唱鳴鳴盡垂手心知舊國西州遠西向胡天望鄉久

回身忽作異方聲一聲回盡征人首  
蕃音虜曲直難分似說邊情向塞雲  
故國關山無限路風沙滿眼堪斷魂  
不見天邊青作塚古來愁殺漢昭君

朱灣

同清江師月夜聽堅正二上人為懷州轉法華

經歌

若耶谿畔雲門僧夜閒燕坐聽真乘  
蓮花祕偈藥草喻二師身住口不住  
鑿井求泉會到源閉門避火終迷路

前心後心皆此心梵音妙音柔軟音清冷霜磬有時動  
寂歷空堂宜夜深向來不寐何所得一念纔生百慮息  
風翻亂葉林有聲雪映閒庭月無色玄關密跡難可思  
醒人悟兮醉人疑衣中繫寶覺者誰臨川內史字得之

寒城晚角

滑州作

高臺高高畫角雄五更初發寒城中寒城北臨大河水  
淇門賊烽隔岸是長風送過黎陽川我軍氣雄賊心死  
羈人此夜寐不成萬里邊情枕上生乍似隴頭戍寒泉

幽咽流不住又如巴江頭啼援帶雨斷續愁忽憶嫖姚  
北征伐空山宿兵寒對月一聲老將起三奏行人發冀  
馬為之嘶朔雲為之結二十年来天下兵到處不曾無  
此聲洛陽陌長安路角聲朝朝角聲暮平居聞之尚難  
度何況天山征戍兒雲中營營雪裏吹

顧況

日晚歌

日宵宵兮下山望佳人兮不還花落兮屋上草生兮階

間日日兮春風芳菲兮欲歇老不可兮更少君胡為兮  
輕別

行路難

君不見少年頭上如雲髮少壯如雲老如雪  
宜知灌頂有醍醐能使清涼頭不熱  
呂梁之水挂飛流鼃鼃蛟蜃不敢遊  
少年視險若平地獨倚長劍凌清秋  
行路難行路難昔少年今已老  
前朝竹帛事皆空日暮牛羊古城草

短歌

新繫青絲百尺繩  
心在君家轆轤上  
我心皎潔君不知  
轆轤一轉一惆悵  
何處春風吹曉幕  
江南綠水通朱閣  
美人二八顏如花  
泣向春風畏花落  
臨春風聽春鳥別  
時多見時少  
愁人一夜不得眠  
瑤井玉繩相對曉

華草春

并序

隴西李迅者納別宅監奴出迅不喜欲訪故人為  
刺史強而配焉既歸而不合監奴投井而死因作

華草春歌以悲之

華草春香容與江南艷歌京西舞執心輕子都信節冠  
秋胡議以腰肢嫁時論自有夫蟬鬢蛾眉明井底燕裙  
趙袂縈轆轤李生聞之淚如綆不忍回頭看此井月中  
桂樹落一枝池上鵝鵲唼孤影露桃穠李自成蹊流水  
終天不向西翠帳綠牕寒寂寂錦茵羅薦夜淒淒華草  
春丹井遠別後相思意深淺

馮著

洛陽道

洛陽宮中花柳春  
洛陽道上無行人  
皮裘氈帳不相識  
萬戶千門閉春色  
春色深  
春色深  
君王一去何時尋  
春雨灑  
春雨灑  
周南一望堪淚下  
蓬萊殿中寢  
胡人鵲樓前  
故胡馬  
聞君欲行西  
入秦  
君行不用過天津  
天津橋上多胡塵  
洛陽道上愁殺人

劉商

雜言同豆盧郎中郭南七里橋哀悼姚倉曹



橋邊足離別終日為悲辛登橋因歎逝却羨別離人橋  
下東流水芳樹櫻桃蕊流水與潮回花落明年開可憐  
三語掾長作九泉灰宿昔歡遊在何處花前飲足求仙

去

劉云詞  
意良若

楊衡

長門怨

絲聲繁兮管聲急珠簾不卷風吹入萬遍凝愁枕上聽  
千迴候命花間立望望昭陽信不來迴眸獨掩紅巾泣

白紵歌二首

玉纓翠珮雜輕羅香汗微漬朱顏酡為君起唱白紵歌  
清聲裊雲思繁多凝笳哀瑟時相和金壺半領芳夜促  
梁塵霏霏暗紅燭令君安坐聽終曲墜葉飄花難再復  
躡珠履步瓊筵輕身起舞紅燭前芳姿艷態妖且妍回  
眸轉袖暗催絃涼風蕭蕭漏水急月華泛艷紅蓮濕牽  
裙攬帶翻成泣

哭李象

白雞黃犬不將去寂寞空餘葬時路

劉云起語  
如有失

草死花

開年復年後人知是何人墓憶君思君獨不眠夜寒月

照青楓樹

朱長文

春眺揚州西上岡寄徐員外

蕪城西眺極滄流漠漠春烟間樹樓瓜步早潮吞建業  
蒜山晴雪照揚州隋家故事不能問鶴在仙池期我遊

戴叔倫

柳花歌送客往桂陽

滄浪渡頭柳花發，斷續因風飛不絕。  
搖烟拂水積翠間，綴雪含霜誰忍攀。  
夾岸紛紛送君去，鳴棹孤尋到何處。  
移家深入桂水源，種柳新成花更繁。  
定知別後消散盡，却憶今朝傷旅魂。

女耕田行

乳燕入巢笋成竹，誰家二女種新穀。  
無人無牛不及犁，持刀砍地翻作汧。  
自言家貧母年老，長兄從軍未娶嫂。

去年災疫牛固空截絹買刀都市中頭巾掩面畏人識  
以刀代牛誰與同姊妹相攜心正苦不見路人惟見土  
疏通畦隴防亂苗整頓溝塍待時雨日正南岡下餉歸  
可憐朝雉擾驚飛東鄰西舍花發盡共惜餘芳淚滿衣

長孫佐輔

南中客舍對雨送故人

猿聲啾啾鴈聲苦卷簾相對愁不語幾年客吳君在楚  
況楚君歸我猶阻家書作得不忍封北風吹斷階前雨



唐詩品彙卷三十三

欽定四庫全書

唐詩品彙卷三十四

明 高棟 編

七言古詩十

正變

上

王建

望夫石

望夫處江悠悠化為石不回頭山頭日日風和雨行人



歸來石應語

遠將歸

遠將歸勝未別離時在家相見熟  
新歸歡不足去願車輪遲迴思  
馬蹄速但令在家相對貧莫向  
天涯金繞身

寄遠曲

美人別來無處所巫山月明湘  
江雨千回相見不分明井底看  
星夢中語兩心相對尚難知何  
況萬里不相疑

春詞

紅烟滿戶日照梁天絲軟弱蟲飛揚菱花霍霍繞帷光  
美人對鏡著衣裳庭中並種相思樹夜夜還棲雙鳳凰  
劉云艷情怨意不遠而足

雉將雛

雉咿喔雛出殼毛班班背啄啄學飛未得一尺高還逐  
母行旋母脚麥隴淺淺難蔽身遠去戀雛低怕人時時  
土中鼓兩翅引雛食蟲不相離  
劉云油然子母之愛亦可悲也

老婦歎鏡

嫁時明鏡老猶在黃金鏤畫雙鳳背憶昔咸陽初買來  
燈前自繡芙蓉帶十年不開一片缺長向暗中梳白髮  
今日後牀重照看生死終當此長別

去婦

新婦去年牀手足衣不暇縫蠶廢簇白頭使我憂家事  
還如夜裏燒殘燭當初為信傍人語豈道如今自辛苦  
在時縱嫌織絹遲有絲不上鄰家機

神樹詞

我家家西老棠樹須晴即晴雨即雨四時八節上杯盤  
願神莫離神處所男不著丁女在舍官事上下無言語  
老身長健樹婆娑萬歲千秋作神主

劉云不足  
而有慈意

### 短歌行

人初生日初出上山遲下山疾百年三萬六千朝夜裏  
分將強半日有歌有舞須早為昨日健於今日時人家  
見生男女好不知男女催人老短歌行無樂聲

劉云妙  
合人意

結語  
更妙

白紵歌二首

天河漫漫北斗燦  
宮中烏啼知夜半  
新縫白紵舞衣成  
來遲邀得吳王迎  
低鬟轉面掩雙袖  
玉釵浮動春風生  
酒多夜長夜未曉  
月明燈光兩相照  
後庭歌聲更窈窕  
館娃宮中春日暮  
荔枝木瓜花滿樹  
城頭烏棲休擊鼓  
青蛾彈瑟白紵舞  
夜天燿燿不見星  
宮中火照西江明  
美人醉起無次第  
墮釵遺珮滿中庭  
此時但願可君意  
回畫為宵亦不寐  
年年奉君君莫棄

失釵怨

貧女銅釵惜於玉失却求來三日哭嫁時女伴與作粧  
頭戴此釵如鳳凰雙杯行酒六親喜我家新婦宜拜堂  
鏡中乍無失髻樣初起猶疑在牀上高樓翠鈿飄舞塵  
明日從頭一片新

精衛詞

精衛誰教爾填海海邊石子青磊磊但將海水作枯池  
海中魚龍何所為口穿豈為空銜石山中草木無全枝

朝在樹頭暮海裏飛多羽折時隨水高山未盡海未平  
願我身死子還生

羽林行

長安惡少出名字樓下劫商樓上醉天明下直明光宮  
散入五陵松柏中百回殺人身合死赦書尚有收城功  
九衢一日消息定鄉吏籍中重改姓出來依舊屬羽林  
立在殿前射飛禽

開池得古釵

美人開池北堂下拾得寶釵金未化鳳凰半在雙股齊  
鈿花落處生黃泥當時墮地覓不得暗想牕中還夜啼  
可知將來對夫婿鏡前學梳古時髻

劉云皆  
意表裏

莫言至死

亦不遺還似前人初得時

### 烏夜啼

庭樹烏爾何不向別處棲夜夜半當戶啼家人把燭  
出洞戶驚棲出羣飛落樹一飛直欲飛上天回回不離  
舊棲處未明重繞主人屋欲下空中黑相觸風飄雨濕

欽定四庫全書



亦不移君家樹頭多好枝

行見月

月初生居人見月一月行月行一年十二月強半馬上  
看圓缺百年歡樂能幾何在家見少行見多不緣衣食  
相驅遣此身誰願長奔波篋中有帛倉有粟豈向天涯  
走碌碌家人見月望我歸正是道上思家時

當牕織

歎息復歎息園中有棗行人食

劉云古

貧家女大富家織

翁母隔牆不得力水寒手溢絲脆斷續來續去心腸爛  
草蟲促促機下啼兩日催成一匹半輪官上頭有零落  
姑未得衣身不著當牕却羨青樓娼十指不動衣盈箱

刺促行

促促復刺刺水中無魚山無石少年雖嫁不將歸白頭  
猶著父母衣四邊田宅非所有我身不及逐雞飛出門  
若有歸死處猛虎當衢向前去百年不遺踏君門在家  
誰喚為新婦豈不見它鄰舍娘嫁來長在舅姑傍

寒食行

寒食家家出古城老人看屋少年行丘隴年年無舊道  
車徒散行入衰草牧童驅牛下塚頭畏有人家來灑掃  
遠人無墳水頭祭還引婦姑望鄉拜三日無火燒紙錢  
紙錢那得到黃泉但看隴上無新土此中白骨應無主

賽神曲

男抱琵琶女作舞主人再拜聽神語新婦上酒勿辭勤  
使爾舅姑無所苦椒漿湛湛桂座新一雙長箭繫紅巾

但願牛羊滿家宅十月報賽南山神青天無風水復碧  
龍馬上鞍牛服鞮紛紛醉舞蹈衣裳把酒路傍勸行客

隴頭水

隴水何年隴頭別不在山中亦鳴咽征人塞耳馬不行  
未到隴頭聞水聲謂是西流入蒲海還聞北去繞龍城  
隴東隴西多屈曲野麋飲水長簇簇胡兵夜回水傍住  
憶著來時磨劍處向前無井復無泉放馬回看隴頭樹

田家留客

人客少能留我屋

劉云起得甚濃

客有新漿馬有粟遠行僮僕

應苦饑新婦厨中炊欲熟不嫌田家破門戶蠶房新泥

無風土行人但飯莫畏貧明府上來何辛苦叮嚀回語

屋中妻有客勿令兒夜啼雙井直西有縣路我教丁男

送君去

劉云情至語盡歌舞有不能

### 田家行

男顏欣欣女顏悅人家不怨言語別五月雖熱麥風清

簷頭索索縹車鳴野蠶作繭人不取葉間撲撲秋蛾生

麥收上場緇在軸的是輸得官家足不望入口復上身  
且免向城賣黃犢田家衣食無厚薄不見縣門身即樂

空城雀

空城雀何不飛來人家住空城無人種禾黍土間生子  
草間長滿地蓬蒿幸無主近村雖有高樹枝雨中無食  
常苦饑八月小兒挾弓箭家家畏我田頭飛但能不出  
空城裏秋時百草皆有子黃口莫啾啾長爾得成無橫  
死

簇蠶詞

蠶欲老箔頭作繭絲皓皓場寬地高風日多不向中庭  
曬蒿草神蠶急作莫悠揚年老為爾祭神桑但得青天  
不下雨上無蒼蠅下無鼠新婦拜簇願繭稠女灑桃漿  
男打鼓三日開箔雪團團先將新繭送縣官已聞鄉里  
催織作去與誰人身上著

涼州詞

涼州四邊沙皓皓漢家無人開舊道邊頭州縣盡胡兵

將軍別築防秋城萬里征人皆已沒年年旌節發西京  
多來中國收婦女一半生男為漢語蕃人舊日不耕犁  
相學如今種禾黍驅羊亦著錦為衣為惜氍毹防鬪時  
養蠶繅繭成疋帛那將繞帳作旌旗城頭山雞鳴角角  
洛陽家家教胡樂

溫泉宮行

十月一日天子來青蠅御路無塵埃宮前內裏湯各別  
每箇白玉芙蓉開朝元閣向山上起城繞青山龍暖水



夜開金殿看星河宮女知更月明裏武皇得仙王母去  
山雞晝鳴宮中樹溫泉泱泱出宮流宮使年年修玉樓  
禁兵去盡無射獵日西麋鹿登城頭梨園弟子偷曲譜  
頭白人間教歌舞

北邙行

北邙山頭少閒土盡是洛陽人舊基舊基人家歸葬多  
堆著黃金無買處天涯悠悠葬日促岡坂崎嶇不停轂  
高張素幕繞銘旌夜唱挽歌山下宿洛陽城北復城東

魂車祖馬長相逢車轍廣若長安路蒿草多於松柏樹  
山頭澗底石漸稀盡向墳前作羊虎誰家石碑大字滅  
後人重取書年月朝朝車馬送葬回還起大宅與高臺  
劉云長處自然不  
用口語口語甚長

張籍

寄遠曲

美人來去春江暖江頭無人湘水滿浣紗石上水禽棲  
江南路長春日短蘭舟桂楫常渡江無因重寄雙瓊瑤

行路難

湘東行人長歎息十年離家歸未得  
弊裘羸馬苦難行  
童僕饑寒少筋力君不見牀頭黃金盡  
壯士無顏色  
龍蟠泥中未有雲不能生彼升天翼

征婦怨

九月匈奴殺邊將漢軍全沒遼水上  
萬里無人收白骨  
家家城下招魂葬婦人依倚子與夫  
同居貧賤心亦舒  
夫死戰場子在腹妾身雖存如畫燭

白紵歌

皎皎白紵白且鮮將作春衣稱少年裁縫長短不能定  
自持刀尺向姑前復恐蘭膏污纖指常遣傍人收墮珥  
衣裳著時寒食下還把白鞭鞭白馬

野老歌

一作山  
農詞

老翁家貧在山住耕種山田三四畝苗疎稅多不得食  
輸入官倉化為土歲暮鋤犁倚空室呼兒登山收稼實  
西江賈客珠百斛船中養犬長食肉

寄衣曲

織素縫衣獨苦辛  
遠因回使寄征人  
官家亦自寄衣去  
貴從妾手著君身  
高堂姑老無侍子  
不得自到邊城裏  
殷勤為看初著時  
征夫身上宜不宜

送遠曲

戲馬臺南山簇簇  
山邊飲酒歌別曲  
行人醉後起登車  
席上回尊勸僮僕  
青天漫漫覆長路  
遠遊無家安得住  
願君到處自題名  
他日知君從此去

劉云能幾許得恁  
沈著宛轉數語矣

築城詞

築城處千人萬人齊抱杵重重土堅試行錐軍吏執鞭  
催作遲來時一年深磧裏著盡短衣渴無水力盡不得  
拋杵聲杵聲未盡人皆死家家養男當門戶今日作君  
城下土

猛虎行

南山北山樹冥冥猛虎白日繞林行向晚一身當道食  
山中麋鹿盡無聲年年養子在空谷雌雄上山不相逐

谷中近窟有山林長向村家取黃犢五陵年少不敢射  
空來林下看行迹

別離曲

行人結束出門去幾時更踏門前路憶昔君初納采時  
不言身屬遼陽戍早知今日當別離成君家計良為誰  
男兒生身自有役那得誤我少年時不如遂君征戰死  
誰能獨老空閨裏

牧童詞

遠牧牛繞村四面禾黍稠陂中饑鳥啄牛背令我不  
得戲隴頭入陂草多牛散行白犢時向蘆中鳴隔堤吹葉  
應同伴還馭長鞭三四聲牛羊食草莫相觸官家截爾  
頭上角

沙堤行呈裴相公

長安大道沙為堤早風無塵晚無泥宮中玉漏下三刻  
朱衣導騎丞相來路傍高樓息歌吹千車不行行者避  
街官閒吏相傳呼宮前十里惟空衢白麻詔下移相印



新堤未成舊堤盡

求仙行

漢皇欲作飛仙子年年採藥東海裏蓬萊無路海無邊  
方士舟中相枕死招搖在天囚白日甘泉玉樹無仙實  
九皇真人終不下空向離宮祀太乙丹田有氣凝素華  
君能保之昇絳霞

古釵歎

古釵墮井無顏色百尺泥中今復得鳳凰宛轉有古儀

欲為首飾不稱時女伴傳看不知主羅袖拂拭生光輝  
蘭膏已盡股半折雕文刻樣無年月雖離井底入匣中  
不用還與墜時同

劉云  
好

### 各東西

遊人別一東復一西出門相背兩不返惟信車輪與馬  
蹄道路悠悠不知處山高海濶誰辛苦遠遊不定難寄  
書日日空尋別時語浮雲上天雨墮地暫時會合終離  
異我今與子非一身安得死生不相棄

劉云其不及王  
建者材不盡也

然各自  
得體

節婦吟

寄東平  
李司空

君知妾有夫，贈妾雙明珠。  
感君纏綿意，繫在紅羅襦。  
妾家高樓連苑起，良人執戟明光裏。  
知君用心如日月，事夫誓擬同生死。  
還君明珠雙淚垂，何不相逢未嫁時。

洪容

齊三筆云：籍在它鎮幕府。鄆帥李師古又以書幣辟之，籍却而不納，而作節婦吟以寄之。劉云：好自好，但亦不宜繫。

譙客詞

上客不用顧金羈主人有酒君莫違請君看取園中花  
地上漸多枝上稀山頭樹影不見石溪水無風應更碧  
人人齊醉起舞時誰覺翻衣與倒幘明朝花盡人已去  
此地獨來空繞樹

永嘉行

黃頭鮮卑入洛陽胡兒持戟升明堂晉家天子作降虜  
公卿齊走如牛羊紫陌旌幡暗相觸家家雞犬驚上屋  
婦今出門隨亂兵夫死眼前不敢哭九州諸侯自顧土

無人領兵來護主北人避胡多在南南人至今能晉語

採蓮曲

秋江岸邊蓮子多採蓮女兒凭船歌青房圓實齊戢戢  
爭前競折漾微波試索綠莖不尋藕斷處絲多刺傷手  
白練束腰袖半捲不插玉釵妝梳淺船中未滿度前洲  
借問阿誰家住遠歸時共待暮潮上自弄芙蓉還蕩槳

傷歌行

黃門詔下促收捕京兆尹繫御史府出門無復部曲隨

親戚相逢不容語辭成謫尉南海州受命不得須臾留  
身著青衫騎惡馬東門之東無送者郵夫防吏急喧譁  
往往驚墮馬蹄下長安里中荒大宅東門已除十二戟  
高堂舞榭鏤管絃美人遙望西南天

吳宮怨

吳宮四面秋江水江清露白芙蓉死

劉云哀怨意引

吳王醉後

欲更衣座上美人嬌不起宮中千門復萬戶君恩反覆  
誰能數君心與妾既不同徒向君前作歌舞茱萸滿宮

紅質垂秋風嫋嫋生繁枝姑蘇臺上夕燕罷它人侍寢  
還獨歸白日在天光在地君今那得長相棄

劉云稍有古意

### 北邙行

洛陽北門北邙道喪車轆轤入秋草車前齊唱薤露歌  
高墳新起白峨峨朝朝暮暮人送葬洛陽城中人更多  
千金立碑高百尺終作誰家柱下石山頭松栢半無主  
地下白骨多於土寒食家家送紙錢烏鳶作窠銜上樹  
人居朝市未解愁請君暫向北邙遊

劉云只如此自不可堪真樂府之體

也

### 關山月

秋月朗朗關山上  
山中行人馬蹄響  
關山秋來雨雪多  
行人見月唱邊歌  
海邊漠漠天氣白  
胡兒夜渡黃龍磧  
軍中探騎暮出城  
伏兵暗處低旌戟  
漢水連天霜草平  
野駝尋水磧中鳴  
隴頭風急鴈不下  
沙場苦戰多流星  
可憐萬國關山道  
年年戰骨多秋草

### 少年行



少年從獵出長楊禁中新拜羽林郎獨到輦前射雙虎  
君王手賜黃金璫日日鬪雞都市裏贏得寶刀重刻字  
百里報警夜出城平明還在娼樓醉遙聞虜到平陵下  
不待詔書行上馬斬得名王獻桂宮封侯起第一日中  
不為六郡良家子百戰始取邊城功

白頭吟

請君膝上琴彈我白頭吟憶昔君前嬌笑語兩情宛轉  
如縈素宮中為我起高樓更開花池種芳樹春天百草

秋始衰棄我不待頭白時羅襦玉珥色未暗今朝已道  
不相宜揚州青銅作明鏡暗中持照不見影人心回互  
自無窮眼前好惡那能定君恩已去若再返菖蒲花開  
月長滿

將軍行

彈箏峽東有胡塵天子擇日拜將軍蓬萊殿前賜六纛  
還領禁兵為部曲當朝受詔不辭家夜向咸陽原上宿  
戰車彭彭旌旗動三十六軍齊上隴隴頭戰勝夜亦行

分兵處處收舊城胡兒殺盡陰磧暮擾擾唯有牛羊聲  
邊人親戚曾戰沒今逐官軍收舊骨磧西行見萬里空  
幕府獨奏將軍功

賈客樂

金陵向西賈客多船中生長樂風波欲發移船近江口  
船頭祭神各澆酒停杯共說遠行期入蜀經蠻誰別離  
金多衆中為上客夜夜冥緡眠獨遲秋江初月猩猩語  
孤帆夜發滿湘渚水工時楫防暗灘直過山邊及前侶

年年遂利西復東姓名不在縣籍中農夫稅多長辛苦  
棄業長為販寶翁

### 羈旅行


遠客出門行路難停車斂策在門端荒城無人霜滿路  
野火燒橋不得度寒蟲入窟鳥歸窠僮僕問我誰家去  
劉云猝猝形容到此行尋田頭暗未息雙轂長轅礙荆棘緣岡入  
澗投田家主人舂米為夜食晨雞喔喔茆屋傍行人起  
掃車上霜舊山已別行已遠身計未成難復返長安陌

上相識稀遙望天門白日晚誰能聽我辛苦行為向君

前歌一聲

劉云須著如此結愈緩愈不可聽他人不能道耳嚴滄浪云大厯後張籍王建之樂府

吾所深取耳



唐詩品彙卷三十四